

Акафист Пресвятой Богородице пред иконой «Неупиваемая Чаша»



Текст утвержден Священным Синодом
Русской Православной Церкви
22 октября 2015 года (журнал № 82)

Конда́к 1

Изря́дное и дивное вспомо́жение нам дарова́ся,/ о́браз Твой честный, Богоро́дице Де́во,/ я́ко избавльшеся явлéнием его́/ недúгов душе́вных и телéсных и ско́рбных обстоя́ний,/ благодарныя хвалы́ принóсим Ти, всеми́лостивая Застúпнице./ Ты же, Госпоже́, приклони́ся благоутро́бно/ к на́шим воздыхáнием и во́плем сердéчным,/ и исцелéние пода́ждь стра́ждущим, да с véрою воззовéм Ти:// Ра́дуйся, Влады́чице, Неупивáемая Ча́ше, духо́вную жа́жду на́шу утоля́ющая.

Икос 1

Ангельстии чéни и пра́ведников со́нми непреста́нно сла́вят Тя, Цари́цу Богоро́дицу, Хода́таицу о ро́де челове́честем, в беззакóнных погруже́нном и во гресéх пребыва́ющем, да́руеши бо нам во утешéние и спасéние ми́лость Свою́ чрез чудотворныя ико́ны Твоя́, ихже, я́ко звéзды небéсныя, по всей земл́и на́шей зрим. Ко еди́ному же от сих образóв, Неупивáемая Ча́ша имену́емому, припада́юще, из глубины́ сёрдца взывáем Ти:

Ра́дуйся, непристúпнаго Божества́ селéние
ра́дуйся, непреста́нное челове́ков удивлéние.

Ра́дуйся, скорбьми́ грехи́ на́ша очища́ющая
ра́дуйся, печáльми на́ша нéмощи врачúющая.

Ра́дуйся, ми́лость Свою́ нам свы́ше посыла́ющая
ра́дуйся, ско́рбная сёрдца́ на́ша веселя́щая.

Ра́дуйся, пречúдное всех с Бóгом примирéние
ра́дуйся, мýки вéчныя извéстное избавлéние.

Ра́дуйся, Влады́чице, Неупивáемая Ча́ше, духо́вную жа́жду на́шу утоля́ющая.

Конда́к 2

Видящи, Пречы́стая Влады́чице, ско́рби сердéчныя, мýки душе́вныя, покая́ние и́скреннее челове́ков, губи́тельным поро́ком пья́нства одержи́мых, благоволи́ла еси́ дарова́ти богоспаса́емому гра́ду Сёрпухову ми́лость Твою́ явлéнием пречúднаго о́браза Твоего́, да вси, с véрою и сокруше́нным сёрдцем к нему́ припада́ющи и исцелéние от тяжкаго недúга своего́ обрета́ющи, усёрдно вопи́ют Бóгу: Аллилу́ия.

Икос 2

Разумéв трикратное явлéние преподóбнаго Варлаáма и повелéние от него́ во гра́д Сёрпухов шéствовать, челове́к нéкий, стра́стию пья́нства одержи́мый, обрéте та́мо в монасты́ре ико́ну Твою́ святу́ю, Неупивáемая Ча́ша имену́емую. Мы же, видяще таково́е о нас, грéшных, попечéние, со благоговéнием воспева́ем Ти такова́я:

Ра́дуйся, сла́ву чудéс Твои́х грéшным открывáющая
ра́дуйся, Путево́дительнице, пúть благи́й им явля́ющая.

Ра́дуйся, ко спасéнию нас привлека́ющая
ра́дуйся, благодарéнию нас научáющая.

Ра́дуйся, ско́рби на́шея в ра́дость претворéние
ра́дуйся, несумнённою наде́ждою возвеселéние.

Ра́дуйся, губительныя стра́сти потребляющая
ра́дуйся, благим намерением по́собоствующая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

Конда́к 3

Си́ла Вы́шняго благода́тию Влады́чицы укрепí не́коего челове́ка, неду́гом пьянства стра́ждущаго, егда́ той, осла́блене имы́й но́зе, потща́ся гра́да Сёрпухова дости́гнути, повеле́ние Богороди́цы, чрез преподо́бнаго Варлаа́ма рече́нное, исполня́я. Обре́т же во гра́де сем ико́ну Пречи́стыя Богома́тере, а́бие исцеле́ от неду́га свое́го, душе́внаго и телеснаго, и с трéпетом воззва́ Бо́гу: Аллилу́ия.

Икос 3

Иму́ще исто́чник неоскудева́емый, неупива́емую ча́шу небесных дарова́ний, не то́кмо лю́дие гра́да Сёрпухова, но и вси правосла́внии христиа́не от иных градо́в и ве́сей, к Твоему́ пречу́дному образу́ притека́юще и пред сим исцеления́ обрета́юще, благода́рными усты́ вопию́т Ти си́це:

Ра́дуйся, Ею́же ско́рби на́ша потребля́ются
ра́дуйся, Ею́же ра́дость спасе́ния излива́ется.

Ра́дуйся, немо́щи душе́вныя и телесныя врачующая
ра́дуйся, стра́сти моли́твами Твоими́ укроща́ющая.

Ра́дуйся, коему́ждо прося́щему полёзная да́рующая
ра́дуйся, безчи́сленныя щедро́ты всем подаю́щая.

Ра́дуйся, ми́лости сокрови́ще нам отверза́ющая
ра́дуйся, милосе́рдие к па́дшим явля́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

Конда́к 4

Бу́рю вну́три иму́ще помышле́ний сумни́тельных, о́баче с пока́нием и́скренним к Твоему́ неизрече́нному милосе́рдию притека́юще, пьянственную стра́стию одержи́мии исцеление́ получа́ют, и от всея́ души́ зову́т ро́жденному́ от Тебе́ Спаси́телю на́шему: Аллилу́ия.

Икос 4

Слы́ша Господь тяжкия́ ско́рби, во́пли и плач жен, ста́риц, дете́й, ихже сродни́цы обурева́еми суть пьянственною стра́стию или́ безумием наркоти́ческим одержи́ми, дарова́ им, Пренепоро́чная, Твою́ ико́ну, от нея́же вси прося́щие утеше́ние и ра́дость духо́вную обрета́ют, и вопию́т Ти со слеза́ми тако́вая:

Ра́дуйся, А́гнице, А́гнца ро́ждшая, грехи́ ми́ра взёмлющаго
ра́дуйся, Ча́ше, от Исто́чника безсме́ртia че́рплющая.

Ра́дуйся, ма́терей ско́рбных укрепле́ние
ра́дуйся, ненаде́жных благо́е наде́яние.

Ра́дуйся, притека́ющих к Тебе́ благода́тное охранение́

ра́дуйся, скорбящих отрадо и утешение.

Ра́дуйся, волнение страстей в нас умиряющая
ра́дуйся, руку помощи требующим простирающая.

Ра́дуйся, Владычице, Неупиваемая Чаше, духовную жажду нашу утоляющая.

Кондак 5

Боготечную звезду, честную икону Твою, показала еси нам, Владычице мира, юже зряще и с верою сердечною молящися Тебе, Богородице, глаголем: пьянством и иными недуги душевными или телесными страждущия исцели, верныя же научи воспевати хвалу Богу: Аллилуия.

Икос 5

Видяще чудеса преславная и знамения пречудная, не токмо от иконы Твоея, Богомати, во граде Серпухове явленные, бываемая, но и от яже по подобию сея иконы изображений, припадающе к ним, смиренно глаголем Ти:

Ра́дуйся, притекающих к Тебе скорая Предстательнице
ра́дуйся, молений наших благосердная Услышательнице.

Ра́дуйся, град Серпухов благословением Твоим осенившая
ра́дуйся, в пределах московских славу чудес Твоих явившая.

Ра́дуйся, сокровище исцелений неоскудеваемое
ра́дуйся, воздержником всемогущая Покровительнице.

Ра́дуйся, противу мира и диавола подвизающимся Споспешнице
ра́дуйся, в мире благочестно живущих усердная Заступнице.

Ра́дуйся, Владычице, Неупиваемая Чаше, духовную жажду нашу утоляющая.

Кондак 6

Проповедующе чудеса Твоя, Богородительнице, молим Тя, Пречистая, со слезами: избави всех нас от пагубнаго к винопитию пристрастия и от падений греховных, подвижаючи воспевати Богу: Аллилуия.

Икос 6

Воссия светлость Божественная славы от иконы Твоея, Дево Богоотроковице, идеже Господь наш Иисус Христос яко Младенец зрится, образ Таин Своих Пречистых нам являяй, и от страстей мерзких с верою притекающим избавление дарует. Мы же Тебе, Пречистой Его Матери, выну о нас Сына Своего умоляющей, гласы немолчныя приносим сицевыя:

Ра́дуйся, яко о Тебе радуется ангельский собор
ра́дуйся, яко о Тебе торжествует человеческий род:

Ра́дуйся, похвалы небесныя и земныя славою превосходящая
ра́дуйся, рожденнаго Тобю Агнца нам дивно показующая.

Ра́дуйся, ко вратом жизни вечныя приводящая

ра́дуйся, от исто́чника нетле́ния жа́ждущия напая́ющая.

Ра́дуйся, от паде́ний грехо́вных возста́вляющая
ра́дуйся, неиссяка́емою бла́гостию никогóже оста́вляющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

Конда́к 7

Хотя́ челове́к не́кий возблагодари́ти Тя, Влады́чице, исцеле́ния ра́ди от недúга пия́нственнаго, украси́ Твою́, Богома́ти, пречу́дную ико́ну, во гра́де Сёрпухове пребыва́ющую, со благодарением воспева́я Бо́гу: Аллилу́ия.

Икос 7

Дивная чудеса́ ви́дим, Пречи́стая, от ико́ны Твоея́ святы́я: стра́стию пия́нства стра́ждущии, к Твоему́ ма́тернему предста́тельству прибега́юще, от тяжкаго недúга свое́го избавля́ются, и хвалу́ Тебе́ принося́ще, зову́т такова́я:

Ра́дуйся, живонóсный Исто́чнице исцелéний
ра́дуйся, Купéле Небéсная Божéственных дарова́ний.

Ра́дуйся, реко́ исцелéний приснотеку́щая
ра́дуйся, мо́ре, стра́сти на́ша потопля́ющее.

Ра́дуйся, во грехи́ впáдшим наде́жду подаю́щая
ра́дуйся, ма́тернима рука́ма Твоима́ тех возста́вляющая.

Ра́дуйся, сердца́ благочестивых возвеселя́ющая
ра́дуйся, вся благая́ проше́ния на́ша исполня́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

Конда́к 8

Стра́нно и сумни́тельно неверующим слы́шати, ка́ко ико́на Твоя́ святая́ Божéственных исцелéний источа́ет струи́. Мы же, о́ной благоговéйно поклоня́ющесея, лобыза́ем ю, вопию́ще Бо́гу: Аллилу́ия.

Икос 8

Все упова́ние стра́ждущии недúгом пия́нства на Тя, Де́во Чи́стая, возлага́ют: приклони́ся к немо́щем на́шим, уврачу́й стра́сти. Кто бо нас грéшных изведёт из ро́ва поги́бели, а́ще не Ты, Влады́чице? Сего́ ра́ди, колéна пред Твоим честным о́бразом прекло́ньше, воспева́ем Ти та́ко:

Ра́дуйся, молéния грéшников не отверга́ющая
ра́дуйся, призыва́ющим Тя небéсную по́мощь ниспосыла́ющая.

Ра́дуйся, глубинú милосéрдия Твоего́ грéшным показу́ющая
ра́дуйся, отча́янных и безнаде́жных ободря́ющая.

Ра́дуйся, одержи́мым стра́стию пия́нства помо́жение
ра́дуйся, терпели́вых страда́льцев благодáтное утешéние.

Ра́дуйся, недúгов наших благáя Целительнице;
ра́дуйся, от суеты́ мирскíя наша Охранительнице.

Ра́дуйся, Влады́чице, Неупивáемая Чáше, духóвную жáжду нашу утоляющая.

Конда́к 9

Всякое естество́ а́нгельское удивíся делу́ Твоего́ милосер́дия, Го́споди, я́ко дарова́л еси́ грéшному роду́ челове́ческому твёрдую Засту́пницу и Помо́щницу, к нашим не́мощем приклоня́ющуюся и от го́рькаго недúга пьянства свобожда́ющую, ве́рныя же науча́ющую пе́ти Тебе́: Аллилу́ия.

Икос 9

Ветии́ многовещáннии недоуме́ют восхвалíти по досто́йнию дíвное, Богома́ти, ико́ны Твоея́ явлéние, ниже́ мы, грéшнии, от скве́рных усте́н наших возмо́жем просла́вити Засту́пницу нашу́, я́коже подобáет. Обáче, душе́ю и се́рдцем ра́дующеся, Тебе́ глаго́лем:

Ра́дуйся, я́ко лик Твой свяще́нный являет чудеса́
ра́дуйся, я́ко ско́рое еси́ посрамлéние отверга́ющих Тя.

Ра́дуйся, от бед и скорбе́й прíсное ограждéние
ра́дуйся, прибега́ющих к Тебе́ от зла сохранéние.

Ра́дуйся, крóтким сия́нием Твои́м мглу́ страсте́й разгоня́ющая
ра́дуйся, ду́ши наша́ любóвию к Тебе́ и Сы́ну Твоему́ исполня́ющая.

Ра́дуйся, ко стезя́м покая́ния премúдрая Настáвнице
ра́дуйся, до́браго нам отве́та пред Судие́ю Пра́ведным Ходáтаице.

Ра́дуйся, Влады́чице, Неупивáемая Чáше, духóвную жáжду нашу́ утоляющая.

Конда́к 10

Спасти́ хотя́щи мно́гия, чу́дную ико́ну Твою́, Присноде́во, пьянством недúгующим дарова́ла еси́, да вси одержи́мии сею́ стра́стию к чудотво́рному о́бразу Твоему́ притека́ют и, исцелéние получи́вше, во умилéнии зыва́ют Бо́гу: Аллилу́ия.

Икос 10

Стена́ еси́ и щит, Богома́ти, пьянства недúгом стра́ждущим, и всем усер́дно к Тебе́ притека́ющим и ико́ну Твою́ святу́ю благоговéйно чту́щим, сию́ бо нам дарова́ благíх Подáтель Го́сподь в по́мощь и цельбу́ от губительны́я стра́сти, и тем наказу́ет нам пе́ти Тебе́ такова́я:

Ра́дуйся, врачевáний лóжных грóзное испроверже́ние
ра́дуйся, благода́ти Врача́ Истиннаго к нам привлече́ние.

Ра́дуйся, Твоею́ чистото́ю нашу́ скве́рну очища́ющая
ра́дуйся, Твоею́ благода́тию наше́ недостóинство просвещáющая.

Ра́дуйся, естество́ наше́ тлénное в нетлéние облека́ющая
ра́дуйся, молéния наша́ Твои́м предстáтельством укрепля́ющая.

Ра́дуйся, от неможéния нашего́ нас восставля́ющая

ра́дуйся, объёмший нас о́блак страсте́й разгоня́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

Конда́к 11

Пе́ние на́ше смире́нное, от любве́ и усер́дия Тебе́ приноси́мое, не прэ́зри, Чи́стая, и не отвори́ ли́ка Твоего́ от стра́ждущих неду́гом пия́нства и отча́явшихся, но помози́ им и нам очи́стится от вся́кия скве́рны грехо́вныя, да возмо́жем досто́йно и пра́ведно пе́ти Бо́гу: Аллилу́ия.

Икос 11

Светоприёмную свещу́ зрим Тя, Пресвята́я Де́во, Твой бо о́браз святы́й луча́ми благода́ти Твоея́ мглу грехо́вную прогоня́ет и на све́тлую стезю́ добродете́лей наставля́ет с ве́рою зову́щих Ти такова́я:

Ра́дуйся, от суеты́ ми́ра сегó многомяте́жнаго нас изыма́ющая
ра́дуйся, прираже́ния страсте́й плотски́х отража́ти нам помога́ющая.

Ра́дуйся, мысль бла́гу в се́рдце на́ше полага́ющая
ра́дуйся, омраче́нную со́весть на́шу просвеща́ющая.

Ра́дуйся, мучи́тельными неду́ги стра́ждущих избавля́ющая
ра́дуйся, ко и́скреннему пока́нию и исправле́нию призыва́ющая.

Ра́дуйся, ду́ши всех озло́бленных укрепля́ющая
ра́дуйся, и́мя Твое́ сла́вящих спаса́ющая.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

Конда́к 12

Благода́ть Бо́жия, предста́тельством Твои́м, о Богома́ти, подава́ется всем скорбя́щим, обездо́ленным, вдова́м и ста́рицам, наипа́че же пия́нственным неду́гом стра́ждущим, и не тщи отхо́дят си́и, Пречи́стая, от неупива́емых ча́ши Божество́нных дарова́ний Твои́х, но неоску́дно цельбы́ получа́юще, Всеблага́я, благода́рственно вопию́т Бо́гу: Аллилу́ия.

Икос 12

Пою́ще Твоя́ чудеса́ и ве́лию ми́лость, стра́стию пия́нства одержи́мым явле́нную, мо́лим Тя, Влады́чице, спаси́ и помилуй, и наста́ви на стезю́ пра́ву, и не оста́ви нас, покрóва Твоего́ и́щущих и зову́щих Ти:

Ра́дуйся, ро́су ми́лости Твоея́ нам низводя́щая
ра́дуйся, от пристра́стия к хмельно́му питию́ свобожда́ющая.

Ра́дуйся, от пия́нственны́х стра́сти врачевание
ра́дуйся, в рассла́блении су́щим кре́пкое помо́жение.

Ра́дуйся, го́рдья смиря́ющая
ра́дуйся, смире́нныя возвыша́ющая.

Ра́дуйся, малоду́шных дивное ободрение
ра́дуйся, благоду́шных ве́лия ра́досте.

Ра́дуйся, Влады́чице, Неупива́емая Ча́ше, духо́вную жа́жду на́шу утоля́ющая.

Конда́к 13

О Преми́лостивая Ма́ти Сладча́йшаго Го́спода на́шего Иису́са Христа́! Ны́нешнее на́ше услы́ши моле́ние и изба́ви нас от всех недúгов душе́вных и телéсных, наипáче же исцели́ пьянством стра́ждущия, да не во зле поги́бнут, но да спасéннии Тобо́ю при́сно вопио́т Бо́гу: Аллилу́ия.

*Сей конда́к глаго́лется трíжды.
И па́ки чтéтся и́кос 1-й, и конда́к 1-й.*

Моли́тва

О, Преми́лосе́рдая Влады́чице! К Твоему́ заступле́нию ны́не прибега́ем, моле́ний на́ших не презри, но ско́ро исцели́ тяжким недúгом пьянства одержи́мых бра́тий и сестр на́ших и того́ ра́ди от ма́тере своея́, Це́ркве Христо́вы, и от спасéния отпада́ющих. О Всеми́лостивая Ма́ти Бо́жия, косни́ся серде́ц их и ско́ро возста́ви от паде́ний грехо́вных, исцели́ я и ко спаси́тельному воздержáнию приведи́. Умоли́ Сы́на Своего́, Христа́ Бо́га на́шего, да простит нам согреше́ния на́ша и не отврати́т ми́лости Своея́ от люде́й Свои́х, но да укрепи́т их в трезвёнии и целому́дрии. Приими́, Пресвята́я Богоро́дице, моли́твы роди́телей, о ча́дах свои́х слéзы пролива́ющих; жен, о мужéх свои́х рыда́ющих; ча́д, си́рых и убо́гих, заблúждшими оста́вленных, и всех нас, к ико́не Твое́й припада́ющих, – и да приидет сей вопль наш моли́твами Твои́ми ко Престо́лу Всевы́шняго. Покры́й и соблюди́ нас от лука́ваго ловле́ния и все́х ко́зней вра́жиих, в стра́шный же час исхо́да на́шего помози́ прои́ти непреткнове́нно возду́шная мыта́рства и моли́твами Твои́ми изба́ви ве́чнаго осужде́ния, да покры́ет нас ми́лость Бо́жия во ве́ки веко́в. Ами́нь.

Явление первообраза иконы Божией Матери “Неупиваемая Чаша” произошло в 1878 году. Один крестьянин Ефремовского уезда Тульской губернии, заслуженный отставной солдат, был одержим страстью пьянства. Он пропивал всю пенсию, все, что находил в своем доме, и дошел до нищенского состояния. От непомерного пьянства у него отнялись ноги, но он все продолжал пить. И вот однажды этот уже опустившийся человек видит необыкновенный сон. Перед ним предстал благолепный старец-схимник и сказал: “Иди в город Серпухов в монастырь Владычицы Богородицы. Там есть икона Божией Матери “Неупиваемая Чаша”, отслужи перед ней молебен и будешь здоров душой и телом”.

Не владея ногами, не имея посторонней помощи, без всяких средств, крестьянин не рискнул пуститься в дальнейшее путешествие. Святолепный старец явился ему снова, но тот все еще не решался выполнить услышанное. Старец явился ему в третий раз и уже настолько грозно приказал исполнить повеление, что несчастный пьяница немедленно на четвереньках отправился в путь. В одном селении он остановился на ночлег. Сердобольная старушка-хозяйка, чтобы облегчить боль, растерла ему ноги и уложила на печь. Ночью путник почувствовал приятное ощущение в ногах, попробовал встать и, хотя очень слабо, мог удержаться на них. На следующую ночь ему стало еще легче. Так, опираясь сначала на две, а потом на одну палку, он добрался до Серпухова.

Придя в [женский Введенский Владычный монастырь](#), страждущий рассказал о своих сновидениях и попросил отслужить молебен. Но никто в монастыре не знал иконы Божией Матери с таким наименованием. Тогда кому-то пришла мысль: а не эта ли икона с изображением Чаши висит в проходе из соборного храма в ризницу. Каково же было удивление

всех, когда на обратной стороне иконы действительно увидели надпись: “Неупиваемая Чаша”! В явившемся ему схимнике он узнал старца Варлаама — строителя этого монастыря. Новообретенный образ был перенесен в храм и перед ним совершен молебен. Из Серпухова бывший пьяница возвращался совершенно здоровым. Он получил не только исцеление больных ног, самое главное — он перестал испытывать непреодолимую тягу к губительной чаше вина.

Скоро эта благая весть вышла за стены обители, и к новоявленному образу стало стекаться множество богомольцев из города Серпухова, его пределов, а также из более дальних мест. Одержимые страстью пьянства, их родные и близкие стремились вознести свои молитвы к Богородице об исцелении от недуга, и многие приходили уже для того, чтобы возблагодарить Владычицу за оказанную им милость.

См. также: [Икона Богородицы «Неупиваемая Чаша»](#)